

ДЎСТИМ ХАКИМЖОН ЗАЙНИДИНОВ ТЎҒРИСИДА...



Зайнидинов Хакимжон Насриддинович техника фанлари доктори, профессор, Мухаммад ал-Хоразмий номидаги Тошкент ахборот технологиялари университети “Сунъий интеллект” кафедраси мудири У сигналлар ва тасвирларга рақамли ишлов бериш соҳасидаги таниқли олим, кўплаб малакали кадрлар, фан номзодлари ва фан докторларига мураббийлик қилган устоз-олимдир. Мен Х.Н.Зайнидинов 1979 йил сентябрь ойидан Тошкент Политехника институти (ҳозирги Тошкент Давлат техника университети) автоматлаштирилган бошқариш системалари факультети электрон ҳисоблаш машиналари мутахассислиги бўйича ўқишга кирган кунидан танийман. Хакимжон биринчи кунларданок билимга чанқоқлиги, зукколиги ва рус тилини ҳаммадан яхши гапиришни билан на фақат группадoshлар ўртасида, балки курсдошлар ўртасида ҳам тезда танилди ва ўқитувчилар барчага ўрناк қилиб кўрсата бошлади. Мен Хакимжон билан бир группада, бир хонада (аввал квартирада, сўнгра ётоқхонада) бирга ўқидик ва яшадик. Заёт, курс ишларини ва имтихонларни биринчилар қатори топширарди ва фақат аъло баҳоларга ўқирди. Кўплаб курсдошларга қўлидан келганча ёрдам берарди. Биринчи курсни тугатишимиз билан Хакимжонни факультет информацион ҳисоблаш марказига 0,5 ставка ишга олишди. Хакимжон олийгоҳдан олган назарий билимларини ҳисоблаш марказида амалий ишлар билан мустаҳкамлаб борди. Бу эса Хакимжоннинг таниқли олим бўлиб етишишига замин яратди.

1984 йил олийгоҳни тугатгач, барча курсдошлар олийгоҳ йўлланмаси билан турли-туман ташкилот ва корхоналарга ишга жўнаб кетди. Мен Қашқадарё вилоят Муборак газни қайта ишлаш заводи информацион ҳисоблаш марказига ишга келдим. Хакимжон аъло баҳоларга ўқиганлиги, ундаги билимга чанқоқлиги, илм-фанга қизиқишини ҳисобга олган олийгоҳ маъмурияти шу олийгоҳнинг “Информатика ва ҳисоблаш техникаси” кафедрасига стажёр тадқиқотчи вазифасига ишга олиб қолди. Ёш Хакимжон ўзининг тиришқоқлиги, билимга чанқоқлиги билан мураббийларни лол қолдирди ва унга 1990 йил Санкт-Петербург давлат электротехника университети кундузги бўлим аспирантурасига йўлланма берди. 1993 йил аспирантурани муваффақиятли тугатиб, номзодлик диссертациясини ёқлади. Кейинчалик ушбу олийгоҳга катта ўқитувчи, доцент вазифаларида меҳнат қилди.

2005 йил Тошкент ахборот технологиялари университетида докторлик диссертациясини ҳимоя қилди. Докторлик диссертациясини ҳимоя қилгач, шу университетда профессор, кафедра мудири вазифаларида ишлади.

Жанубий Корея Республикаси Донгseo университети маъмурияти таклифи билан 2007-2009 йилларда ушбу университет кафедраси профессори лавозимида фаолият олиб борди.

2011-2014-йиллардан Ўзбекистон Республикаси Президенти ҳузуридаги давлат бошқарув академияси “Бошқарувида информацион коммуникацион технологиялар” кафедраси мудири вазифасида ишлади.

Х. Зайниддинов ва унинг шогирдлари томонидан биринчи бўлиб, амалиётда кенг қўлланилаётган аппарат-дастурий мажмуаларни, маълумотларга ишлов беришнинг бўлак-полиномиал усулларига асосланган махсус ҳисоблаш воситалари яратишни назарий муаммолари, уларни лойihalаш ва схемотехникасига доир муаммолари тадқиқ қилинди.

Бугунги кунда ушбу тадқиқотлар натижалари соғлиқни сақлаш соҳасида-биомедицина сигналларига ишлов бериш ахборот тизимларида, сейсмологияда-сейсмик сигналларига рақамли ишлов бериш тизимларида, геофизика соҳасида- кўп ўлчовли магнит ва ҳарорат майдонларига рақамли ишлов бериш тизимларида, гидролокация соҳасида радиолакацион сигналларга ишлов бериш натижасида объектларини тутиш, уларнинг турини аниқлаш ва бошқа соҳаларда кенг қўлланилмоқда.

Х.Зайниддинов Санкт-Петербург Электротехника давлат университети, Жанубий Корея, Германия, Белоруссиялик олимлар билан ҳамкорликда тинмай изланишлар ва тадқиқотлар олиб бормоқда, шунингдек Х.Н.Зайниддинов шогирдлари билан Ўзбекистон Республикаси геология ва минерал ресурслар Давлат Қўмитаси гидрогеология ва инженерлик геология “Гидроингео” ИТИ, Самарқанд давлат медицина университети ва Х.Сулаймонова номидаги Республика суд экспертиза марказидаги ўзбекистонлик олимлар билан тадқиқот ишларини олиб бормоқда. Х.Зайниддиновнинг бевосита раҳбарлигида ва иштирокида 30 дан ортиқ илмий тадқиқот лойihalари, 9 та монография, 40 дан ортиқ ўқув, ўқув-услубий ва 300 ортиқ илмий мақолалар, шу жумладан 50 дан ортиқ гувоҳномалар ва патентлар муаллифидир. Унинг илмий ишлари Англия, Франция, Германия, АҚШ, Словакия, Россия, Япония, Жанубий Корея, Сингапур, Малайзия, Индонезия ва Хиндистон каби мамлакатларнинг нуфузли журналларида chop этилган. Ҳозирги кунгача Х.Н.Зайниддиновнинг бевосита раҳбарлигида 4 та фан доктори ва 12 та фан номзоди диссертацияларини ёқлади.

Х.Н.Зайниддиновнинг университетит фаолиятида, жамоат ишлардаги фаол иштироки, ҳамкасбларига ва шогирдларига бўлган хушмуомалалиги, беғараз ёрдами,ёш олимларни қўллаб қувватлаши каби инсоний фазилатлари туфайли кенг жамоатчилик ўртасида юксак ҳурмат эътиборга эга.

Мен 40 йиллик кадрдон дўстим Ҳакимжон, ҳаётингиз фақат бахтли ва қувончли онлардан иборат бўлиши учун Сизга энг яхши тилакларимни билдираман. Ҳар доим ҳозиргидай жасур, мард ва метиндай мустаҳкам ирода эгаси бўлиб қилишингизни ҳамда яқинларингизни Сиз билан фахрланиб юришларини астойдил хоҳлаб қоламан. Ҳаётда учрайдиган ҳар қандай баланд чўққиларни бирин-кетин забт этиб, олдингизга қўйилган барча мақсадларни муваффақият билан адо этишингизга тилакдошман. Албатта, энг асосийси, бахтли оилавий ҳаёт, яқинларингиз меҳр-муҳаббати ва умид-ишончи Сизга ҳамиша йўлдош бўлсин.

Кадрдон дўстингиз Равшан Болтаев.

29.08.2023 йил